

痧

脹

玉

衡

書

痧脹玉衡書後卷目次

痧脹看症法

放痧辨

痧脹痧疹不同辨

痧脹治猶痧疹論

痘痧穢觸相同

兼痧傷寒不同辨

諸痛類痧辨

諸症不類痧辨

論脹

凝壅聚結辨

治痧救人脉論

痧筋統說

傷風痧脉辨

眩暈痧脉辨

痧脹舌胎論

痧疹兼痧脹

痧脹兼麻疹

痧脹類麻疹

麻疹後復痧脹

麻疹夾痧脹蛔結

傷寒黃癰兼痧

痧類陰症

呃逆痧

盤腸痧

自汗盜汗驚惶痧

痧類三癰

咽喉諸症兼痧

口舌兼痧

類瘋痧

黃氣病兼痧

翻胃噎膈痧

筋骨疼痛痧

箭風痧

久瀉肉瘦痧

婦人隱疾痧

腳氣痧

耳痛痧

手臂痛痧

腫毒夾痧辨

刺蝟瘟痧

地葡萄瘟痧

痧變發願

急救逆痘要法

癰疽兼痧

麻木酸痒痧

頭虛足腫痧

黃疸痧

小兒夜啼痧

驚風痰熱痧

死症痧

羊毛瘟痧

痧脹破述論

痧脹玉衡書後卷

鵠李郭志遠右陶著

痧脹看症法

治病須憑脉。若犯痧脹。則脉不對症。症不合脉。或云
痧筋爲據。亦惟現外焉。且痧脹有爲食積阻滯者。有
爲血痰阻滯者。或阻於上。或阻於中。或阻於下。又或
阻於左。或阻於右。或阻於兩腰脇。苟非辨症的確。求
其中病也難矣。故治痧脹。一見脉之不合。先看痧筋。
次審氣色。三聽聲音。四推犯病之由。其間或有食積

血痰阻於上中下左右各處之分。須細辨其病原。後用藥不誤也。凡痧脉有一部獨異。有六脉俱異。卽有異之中。亦有陰陽虛實脉之神氣可辨。要非一端可執。尚其審諸。

放痧辨

或曰子於痧也。有先用藥而放刮者。有先放刮而用藥者。非放與刮治更無別法。與曰放刮之法。猶犯傷寒太陽經症。必用羌活麻黃等藥。少陽經症。必用柴胡黃芩等藥。症有所犯。治有所宜。凡氣分有痧。宜用

刮血分有痧。宜用放此。不易之法。至臟腑經絡有痧。若昏迷不醒等症。非放刮所得治。兼用藥療之。無足怪也。

痧脹痧疹不同辨

痧疹之發。因傷風熱。故身體壯熱。咳嗽煩悶。卽是痧疹之候。痧疹在他方。有名厝子。有名蚤疹。在樵李則名痧子。而痧脹亦名爲痧。不可不辨。痧疹因傷風肌表必虛。虛則毒氣乘虛而泄。故藥雖或涼。仍可用熱飲。若痧脹。或因穢氣所觸。或因暑氣所感。或動時行。

不正之氣。或乘伏寒。伏熱過時而來。總不起於外傷風熱。故肌表必實。實則熱毒之氣。既脹於胸腹腸胃之中。若更用熱飲。則熱氣適助其腫脹。無從而泄。故犯此者。有立時脹死。此不可不辨也。

痧脹治癰疹論

癰疹之發。必欲盡透。故治癰疹。須要見於肌表者多。多則毒氣俱泄。然後腸胃不留餘毒。治痧在肌表者。用刮在血肉者。用放。亦猶治癰疹。須盡透肌表之謂也。

痘疹穢觸相同

痘瘡爲穢氣所觸。卽時作變。痧脹也。麻疹爲穢氣所觸。卽時反隱。亦痧脹也。若暑氣時行不正之氣。感爲痧者。詎無相類者與。

治驗

一陳姓婢十四歲。四月壯熱煩悶。腹痛身重。癰痧遍體。脉微而細。觸穢之症也。閤腿灣痧筋。放七鍼。手指放十餘鍼。俱紫黑。毒血煩悶稍鬆。用寶花散。阿魏丸。清茶微冷飲之。又付活血順氣之劑。腹痛

遂止癰痧漸散。身體輕快。痘卽起發。視其形色。已四朝矣。後皆如期貫膿收靨而愈。可見痘中觸穢。因痧而隱者。比比也。

兼痧傷寒不同辨

犯傷寒者。有外感三陽之寒。有直中三陰之寒。兼痧者。非可俱兼也。痧者。熱毒也。熱毒入裏。內作腫脹。熱毒發外。肌膚腫脹。或升頭面。或散四肢。此等惡疾。俱由熱毒之氣所攻也。若直中三陰之真寒症。無有兼痧者。蓋三陰既已直中。則熱氣爲寒氣所拒。無由而

人也。至於外感三陽。或先受痧而感寒。或先受寒而感痧。或痧毒驟發。熱極而生寒戰。甚至手足厥冷。則俱有之。若先有痧而感寒者。知其慢痧。方可暫散寒邪。而後治痧。先有寒而感痧者。痧症爲重。當先治痧。而後治寒。至如痧毒驟發。熱極而生寒戰。手足厥冷者。緊痧也。若一誤用發散。升提溫飲之藥。須防時刻凶危。急用涼水飲之。稍解胸腹中熱脹之氣。然後或刮。或放。用藥治之。

諸痛類痧辨

腹痛不一。有食有氣。有火有冷。有虫有積。俱似痧。非
痧。不可無辨。食者失饑傷飽。聚中脘作痛。其症遇食
卽疼。胸膈飽悶。似痧者一。然按脉氣口必然有力。可
辨。若因冷食入胃。食與寒氣相搏於中。則心脾鬱結。
胸脇滿悶。中脘作疼。似痧者二。然按脉氣口必然無
力。但有嘈雜衝胸。噯氣吞酸。可辨。氣者因怒氣所傷。
不得發越。胸膈氣塞。衝激心脾。嘔逆惡心。吐不能出。
其疼手不可按。坐臥不定。奔走叫呼。似痧者三。然按
脉兩關必然洪大。餘部俱必應指。及刮之無痧。痧筋

不現可辨。火者因熱作痛。胃火上逆。嘔吐酸水。必然
口渴欲飲。飲入卽吐。其症手足溫煖。而帶陽色。似痧
者四。然按脉六部洪數。又與痧類。難以細分。必看痧
筋兼用刮法。可辨。冷者久屬虛寒。沉寒作痛。其脉必
然平軟。似痧者五。但飲熱則安。飲冷痛發。可辨。虫者
胃脘疼痛。有如刀觸。痛極按心搔爬難定。兼之脉息
無倫。徐疾不一。似痧者六。然虫必有因。各有所喜。如
茶虫喜食茶葉。糖虫喜食糖物。或泥。或絮。或酒。或鹽。
其爲虫也。必有一好。食之便安。若遇檳榔五靈脂殺

虫等藥或藥性力薄不能驅逐而出勢必咬齧翻動腸胃更加疼痛可辨積者舊有宿積聚結腸胃忽因行動作痛作疼似痧者七然痧筋罕現刮痧無影可辨如是辨之的確方知痧痛詳明治之得法然此諸痛又有兼痧者將論脈閱筋而加察焉鮮有不得其理矣

諸症不類痧辨

凡心腹脹痛因痧既知之矣痧症仍有不痛不脹者或兼痧或暗痧誤飲溫熱便致凶危等也余竊謂凡

遇危症病家不識痧筋。猶用刮痧可辨。醫家或認脉不清。尚有痧筋可詳。若內人不便閱視。果緣痧脹。凶極。脉未有對症者。以是辨之。百不失一也。

論脹

脹者。氣之閉也。氣爲毒壅。故作腫作脹。所以治痧。先當治氣。如食阻其氣於上。則吐之。食壅其氣於中。則消之。食化而結其氣於下。則導之。凡諸積之阻滯。概然。凡下竅閉者。多上吐。或吐蛔。或吐血。當導氣於下。中竅閉。則下瀉。或瀉水。或瀉蛔。當行氣於中。上竅閉。

而復升則作悶或頭疼或上腫俱當用清涼引下之。至如氣爲毒壅必傷血分。若乃血爲毒凝活血爲上血爲毒壅破血爲先。血爲毒聚且結敗血爲要。故治痧必兼治血。蓋血活毒氣行血破毒氣走血敗毒氣散。如是毒氣不留治斯效也。

凝壅聚結辨

凝壅聚結皆血分痧毒惡症。其間有輕重之別。輕者初犯之症。壅者凝多而壅聚者血壅或左或右結者血滯一處。故痧毒中血分結爲重。聚次之。壅又次之。

疑爲輕疑以紅花澤蘭爲主。聖以延胡索桃仁爲主。聚以蘇木茜草爲主。結以五靈脂降香爲主。輕者用藥不可重。重則恐傷本原。重者用藥不可輕。輕則治之。不效。

治驗

一尹鈞萬咳嗽痰喘。有以緊勞治之。病日增。背脊如弓。手足踈緊。不能展動。嗽則胸腹百骸弔痛。延余診之。脉洪大無倫。此毒血壅聚也。兼又難刮。難放。先以圓紅散微冷飲之。兩手稍鬆。漸爲放刮。訖。

又以圓紅散加三七鬱金末微溫飲之。更以蘇木
茜草爲主。多加順氣活血之類。如前飲之。計日放
痧一次者。四日用藥一服者。五遂痊。

一萬君安內室。兩脇如痞。按之則痛心。胃間高起。
服藥難療。延余。左脉微細。右脉洪大。此慢痧毒
結聚也。計放痧三次。付以五靈脂降香爲主。加桃
仁延胡索及消食行氣之類。日川一服。計十二劑
如舊。

一陳弘業寒熱嘔吐。苦難俛仰。腹中脹痛。夜不能

寐六脉弦細而緊數。刮放畧鬆。用紅花澤蘭劉寄奴茜草桑寄生併行氣消食之藥微溫飲之。二劑而愈。

治痧救人脉論

或謂余曰。古書所載屋漏雀啄諸怪脉。現者。死。脉代者。死。爲五臟有絕也。况一部無脉。二三部無脉。焉得有生理乎。及覽玉衡痧脉。止有六部無脉者。死。卽諸怪脉。必口放痧。服藥不應者。死。與古書所載不同。何歟。曰。古人論此等脉。爲死脉者。其常也。余論此等脉。

尚當救之者。因乎痧之變也。凡痧脹之脉。都有類諸
死脉者。余惟見此疾。實憐之。冀萬有一可救者。因痧
之變。不執常脉而輕棄之也。

治驗

一陳見雅內室懷娠發熱。赤痢腹痛不止。服他藥
不效。余診之。脉四動一止。代脉也。聞有痧筋。放二
十餘鍼。用寶花散微冷服之。付以桑寄生益母草
連翹蘇梗紅花金銀花山查蜀子當歸枳殼青皮
薑苓微冷飲四劑而痊。

一。張舜瞻。側室腹痛。欲嘔吐。延余。脉如彈石。知其患痧痛極。脉亦變也。令其婢放痧三十餘鍼。用寶花散。救苦丹。砂仁湯。稍冷飲之。付以獨活紅花湯。加山查。神麴。薑子。青皮。微冷飲二劑而愈。

一。傅純宇。發熱昏沉。脉如解索。先用陰陽水。搗芋芡汁飲之。放指臂痧三十餘鍼。稍覺清爽。用細辛大黃丸。清茶稍冷飲之。付以荊芥銀花湯。加青皮。微溫服二劑而痊。

一。鄔雲公。頭面紅腫。目閉喉痛。六脉無根。知其痧

氣阻塞脉路也。刺腿足痧四十餘鍼。流紫黑血甚多。又刺手臂痧二十餘鍼。未愈。用清涼至寶飲。減細辛。加山豆根射干牛膝石斛桑皮枳殼。稍冷飲三劑而痊。

一金子。近次子祖翼九月間。適因勞動。飲食不時。忽壯熱頭痛。自以紫蘇湯薰頭而大汗。胸中脹悶。他醫用藥下之。反口吐白沫。時有譫語。以爲痧。乃更延醫診視。見舌胎灰色。以傷寒藥治之。子近恐犯痧氣。先以半小鐘試服。少頃。卽譫語片時而止。熱

仍不解愈覺沉重。脉有八至。遂連易三醫。皆云傷寒。三次服藥。皆昏沉。譫語如前。第五日。眼如火赤。唇若塗硃。鼻如煙煤。舌胎黑燥。枯乾而短。聲音不清。足冷至腹。陰囊卵縮。肉脫神昏。醫者皆辭不治。已備後事。至七日。乃始放痧。因病勢危篤。止放二鍼。唇眼舌聲諸症頓愈。陰囊二卵漸舒。脉竟平復。始現腹痛。乃知口渴。惑人言痧症不可服藥。止飲童便。服紫金錠而痛止。後又隨痛隨服。繼進飲食。大便乾結。至十八日。用蜜導法。遂變下痢。日

夜五六十次。凡六日始服痧症藥一劑。卽安睡。痢乃止。後延他醫調理補之。不數日睡時卽發。遍身水晶痞癰。覺時卽隱。醫家莫解其故。予近因刮穿頸額間痞癰。流出皆汗也。卽盜汗不止。他醫咸謂久病虛脫。大用補劑。歛汗不惟無益。更加自汗。且完穀不化。小便短赤。頻數變爲砂淋。醫又皆束手。謝事爰復放痧。用八正散二劑服之。痧氣始轉身。卽壯熱約有二更時。身涼汗止。惟日食生茨菇五。六日砂淋亦止。而全愈。祖翼之病變幻遲久。總因

止放二鍼。不服痧症藥。以除根之故也。究以治痧而得全脉。而八至。死症雖多。其可棄耶。

一金子近長子權。可八月間發斑。遍身如麻疹狀。延他醫視之。則曰癰疹。復延幼科診之。亦云痧疹。服藥十日不退。脉僅二至。醫家因疑其少年鑒喪。故爾虛脫。欲用補劑。子近恐亦痧氣。不敢服。命權可起而視之。則遍身痧點。皆活動。流注兩腿皮肉紅紫。因放腿灣痧一鍼。而皮肉白。又放腿灣痧數鍼。而皮肉皆白。惟小腿紅紫未退。臥卽復流動。遍

散於身。仍作稀稀癰點。緣脉尤二至。用川烏草烏。
爲一小丸服之。脉復如常。大汗出而全愈。

痧筋統說

或曰前書放痧有十。今放痧者。奚不止於此。余曰遍
身青筋。古有載矣。謂放痧有十者。不過就痧毒先達
臟腑者明之爾。至腿灣痧筋。尤人易曉。余詳之。爲初
學者便。推而廣之。寧有暨乎。

傷風痧脉辨

或曰前子傷寒辨痧詳矣。若犯痧似傷風。何如。余曰

肺主皮毛。心主血。肝主筋。傷風犯痧三部脈見者皆多。且風陽也。風傷衛在表。故脈浮。傷風有汗表虛也。故脈緩。有犯此症。脈不浮緩。反見沉緊。或洪大。痧脹一驗也。若傷風帶寒。鼻塞畏冷。脈當浮而微緊。脈反沉伏。或芤長。痧脹二驗也。若傷風熱。鼻塞聲重。喉痛。脈當浮而微數。脈反沉緊。或芤或伏。痧脹三驗也。若傷風有痰。氣急發喘。脈當浮滑。反微瀉沉伏。痧脹四驗也。以此推之足矣。

治驗

一駱叔源傷風發熱咳嗽痰喘已半月矣左脉沉
伏右脉濇而微數此慢痧爲患也左腿灣放二鍼
紫黑血流至足又刮痧不愈付寶花散加明礬末
稍冷湯飲之用荆芥湯減川芎加蘇子紅花蒲黃
土貝母烏藥微冷飲之而愈

一高允謨傷風鼻塞肩背拘急頭頂疼痛有以足
太陽膀胱經藥治之頭頂益痛叫喊不已甚至肩
背沉重時覺昏迷延余治之左寸微伏右關孔大
先服圓紅散稍醒刺腿灣六鍼不愈用寶花散清

茶微冷飲之。肩背稍轉。頭痛少安。詢所服者。腹中
覺冷。卽用防風散痧湯。減枳殼。加羌活。川芎。紫蘇
烏藥。溫飲。寒散而安。
一凌公遠內室傷風喉啞。胸腹飽悶。兩關俱芤。余
曰。芤者。瘀血。未有上下俱瘀。其痧乎。其家人刮之。
紫痧甚多。飽悶卽解。付獨活紅花湯。加射干。前胡。
薄荷。石斛。連翹。玄參。二劑。微冷飲之。傷風喉啞俱
痊。

眩暈痧脉辨

暈有血暈氣暈。痰暈火暈。濕暈暑暈。有血虛發暈。有
氣虛發暈。有風中而暈。有寒中而暈。有勞力而暈。今
加之以痧暈。古人無治。古書無論何以知之。大都血
暈。脉花。氣暈。脉沉。痰暈。脉滑。火暈。脉數。濕暈。脉濡。暑
暈。脉虛。血虛發暈。脉濇。氣虛發暈。脉微。風中而暈。脉
浮緩。寒中而暈。脉弦緊。勞力而暈。脉右尺浮洪。此暈
脉之大略也。若病似血暈。脉反短。似氣暈。脉反浮。似
痰暈。脉反濇。似火暈。脉反遲。似濕暈。脉反勁。似暑暈。
脉反實。似血虛發暈。脉反滑。似氣虛發暈。革脉反大。似

風中而暈。脉反沉緊。似寒中而暈。脉反微緩。似勞力而暈。脉反細實。是皆脉症不合。余歷驗之。而信其爲痧。此痧暈之治不誣也。

治驗

一陳肅遠。嘗苦發暈。醒則日夜頭眩。余往候之。脉右虛左實。徐疾不常。余曰。此非放痧不可。於腿灣上下放十餘鍼。紫黑血流如注。指上亦放二十餘鍼。用寶花散沉香阿魏丸。清茶稍冷飲之。付防風勝金湯。加桃仁紅花。稍冷飲之。後遂不復患眩暈。

一姜渭濱內室正月間驟然發暈一日三次舉家惶恐。余見其脉沉而微緊。令其婢爲指上放痧三十餘鍼。用救苦丹加沉香末清茶稍冷飲之。付荆芥銀花湯加荀子枳殼一劑而痊。

一梅君玉子三月間吐蛔發暈昏沉不醒。六脉俱伏。左右虎口脉青色。放指頭痧一十八鍼。用細辛大黃丸清茶調黑糖稍冷飲之。漸甦。付蒲黃飲。減姜黃。加陳皮烏藥紅花微冷湯調黑糖飲之。乃愈。一霍庭賢內室四月間壯熱面赤口渴唇焦。有以

陽明胃經症藥治之。遂發暈。終日不醒。余診之。脉
兩寸弦細。兩關沉微。兩尺左大右緊。曰脉症不合。
痧毒內攻也。先用蘇木散。砂仁湯微冷飲之。令其
老婦放指上痧二十餘鍼。血色墨黑。尤不醒。後令
放乳邊痧二鍼。乃甦。餘症不減。用蒺藜散微溫湯
飲之。付桃仁紅花湯。加枳殼四劑。下盡惡毒黑物
而痊。

一盛思虞六月間飲酒。頭汗發暈。脉寸關洪大無
倫。兩尺脉伏。閱痧筋放十餘鍼。皆紫黑毒血。付陳

皮厚朴湯加乾葛山查。荀子微冷飲之而醒。又用藿香湯加黃連黃芩乃安。

痧脹舌胎論

或謂全書載痧論治俱備。舌胎僅存其名。豈痧脹舌胎無可治乎。余曰非也。蓋謂痧脹有別症之舌胎。則可謂舌胎卽痧脹之症。是不識痧脹之適當其然。併不識舌胎之所以然也。誠以舌胎乃是陽明胃腑熱病。故治痧脹先理其痧。後治舌胎。卽安若先理舌胎。後治痧脹。則危。蓋舌胎乃胃腑熱極。氣衝心胸。舌爲

心苗。故見胎。治宜石膏黃連大黃黃芩黃柏之類。若不先治痧。恐此等藥。又寒凝血分。反成大患。故治此者。要看痧毒一退。卽治舌胎可也。

治驗

一翁在茲發熱口渴。舌有黑胎。臥難轉動。氣急痰喘。六脈洪實。放痧三十餘鍼。未愈。用圓紅散砂仁湯微溫飲之。又付必勝湯。大便下黑糞。惟口渴黑胎未愈。加石膏黃連二劑。乃瘳。

一曹華宇長子十一月間。犯傷寒兼痧。舌卷耳聾。

舌上黑胎芒刺。大渴昏沉。發熱身重。不能轉側。胸中迷悶。瀉痢清水。先以圓紅散。加鬱金末。清茶稍冷飲之。放指上痧三十餘鍼。未愈。用阿魏丸。付以防風散痧湯。合稜木湯。加桃仁紅花一劑。俱微冷飲之。舌卷耳聾。漸愈。瀉水即止。大渴稍解。但舌胎不退。胸中飽悶。詢其腹中。祇冷。痧氣已絕。用和脾宣化飲。減前胡。大腹皮。加橘仁。紅花。枳實。青皮。石膏。黃連。大黃。微溫飲之。食結飽悶俱消。黑胎芒刺皆退。惟大便不通。用黃三錢。芒硝一錢。溫飲之。

大便通而愈

一張旋庵內室傷食飽悶。按之則痛。日晡發熱。舌心焦黃芒刺。延余。脉微無力。余曰痧也。放腿灣痧。三鍼。流紫黑毒血。用紫朴湯。加柴胡。乾葛。微冷飲之。後加石膏。黃連。大黃。黃栢。溫飲四劑。大便下宿糞而愈。

一龔雲濤發熱嘔噦。舌有黑胎芒刺。起二大泡。蹠卧聲重。迷悶幾死。脉左弦緊。右微細。放腿上痧二十餘鍼。用三黃石膏湯。微溫飲之。稍愈。驟進飲食。

迷悶復發。用消食順氣之劑。後加大黃芒硝。大便通而安。

癩疹兼痧脹

癩疹方。惟是升發清涼解利。茲竟有若此不治者。因不知癩疹中有痧也。蓋癩疹乘虛而發。若穢氣暑氣。時行不正之氣。亦可乘病而感。苟犯痧者。但先治痧。脹癩疹自發自散。蓋癩疹兼痧脹。痧脹爲難。癩疹反隱而難現。不可不辨也。

治驗

一金權可二月間犯時行麻疹。心胸煩悶。延余治之。脉症不合。放痧後。用寶花散。併活血順氣消食之劑。俱調黑糖。俟稍冷飲之。復刮痧。訖如前服二劑。乃安。

一潘質黃子犯麻疹。脉微。放腿灣痧二鍼。血流紫色。又放指上痧三十餘鍼。付圓紅散。併清涼至寶飲。合紅花湯。俱微冷飲之。卽愈。

一余弟驤武子八歲正月間犯麻疹。胸腹脹悶。煩躁熱渴。咳嗽氣急。面赤身熱。脉不洪大。反見細數。

放腿灣痧二鍼。付圓紅散。沉香丸。用荊芥薄荷湯。
合枳實大黃湯。俱微冷飲之。癩疹卽發透。隨散而
愈。其時一僕婦亦咳嗽煩悶。同犯癩疹。如上治
而痊。

一王日斯女。壯熱咳嗽。癩疹初現。氣急面赤。脉症
不合。放指上痧二十餘鍼。付圓紅散。加沉香末。調
黑糖湯。稍冷飲之。用清氣化痰飲。合蒲黃飲。均微
冷飲之。卽發透。隨散而愈。

痧脹兼癩疹

傷風咳嗽煩悶爲麻疹之候然亦有麻疹未發或觸
穢氣或感暑氣或吸時行不正之氣當卽痧脹或心
痛腹痛或脹悶喘急或徧身疼痛或發暈昏沉一似
麻疹不發內攻心腹痛及週身使止認爲瘧疹之候
升發之勢必危殆不知傷風咳嗽煩悶雖有麻疹發
於日後其痧脹內攻卽麻疹有現形者因之反隱更
助痧脹爲禍況麻疹未形痧脹沉重可不先救痧脹
乎。

治驗

一陸迦安內人發熱咳嗽胸腹疼痛叫喊非常脉症不合令其僕婦放腿灣痧未愈先以寶花散阿魏丸清茶稍冷飲之付必勝湯減大黃加枳實連翹荷子二劑微冷飲之疼痛稍已次日如前劑減五靈脂加荊芥黃芩微溫飲之疼痛乃止瘰疹卽發再劑而痊

一沈端肱女咳嗽發熱脹悶不已六脉弦緊或時歇指放指頭痧二十餘鍼未愈用寶花散加沉香末稍冷飲之付防風勝金湯加紅花荊芥治之瘰

疹隨發。用荆芥湯減川芎。加黃芩。玄參。金銀花。微溫飲。二劑而瘳。

一陳弘甫傷風發熱。咳嗽煩悶。脉左沉右洪。放乳上痧。二鍼。用紫朴湯冷飲。麻疹漸現。次日爲穢氣所觸。復隱隱不發。刮兩臂肩背痧。用荆芥湯減川芎。加黃芩。銀花。紅花。沙參。烏藥。微冷飲之。麻疹卽發。再劑而愈。

一高子良弟四歲。正月間傷風咳嗽煩悶。有以麻疹治之。不發。反吐血。發暈昏沉。延余。脉症不合。放

舌下痧二鍼。付紫朴湯。加黃芩。微冷飲之。麻疹始現。次日稍飲溫茶半鐘。麻疹復隱。余曰。痧脹餘毒復發內攻。故麻疹隨之而隱。又刮痧畢。服必勝湯。減大黃五靈脂貝母。加黃芩飲之。麻疹卽透。後惟清涼解毒而痊。

痧脹類麻疹

或謂余曰。痧脹之發。卽麻疹也。子於痧脹特多放痧之法。爾不知所放之痧。卽放麻疹之脹氣也。安得云麻疹非痧脹之標。痧脹非麻疹之本。與余曰。我見麻

疹。但傷風咳嗽而發者有之。木間有感穢氣發麻疹。感熱天暑氣發麻疹者。豈非麻疹自有麻疹病。痧脹自有痧脹病乎。况痧脹既云卽麻疹。何以有麻疹。因穢氣暑氣所乘兼痧脹。麻疹卽隱而不發。必俟放刮後。麻疹始發乎。乃知麻疹不與痧脹同。故刮者放者。名痧脹。雖有刮出之痧。不可卽認爲麻疹。其痧脹亦不與麻疹同。必因傷風所發。始爲麻疹。實不同也。乃茲有痧脹。不因傷風發熱咳嗽所起。當見刮放用藥後。發出遍身形影如麻疹者。雖形似麻疹。實非麻疹。

故名之爲類麻疹焉。或曰：詎有非麻疹而形可同於麻疹者？曰：此亦猶痧毒發爲腫毒，發爲紫疱之類爾。何疑乎？

治驗

一聞德音內入腹中疼痛。右脉微而弦。左脉細而濇。令其婢放臍間痧三鍼。血流紫黑色。未愈。用寶花散救苦丹。清茶稍冷飲之。付以和脾宣化飲。加茜草桃仁。微冷飲之。發出一身類麻疹者。余用防風散痧湯減細辛。加連翹紅花金銀花桃仁。治之。

而痊。

一施均李孫女發熱咳嗽。腹脹昏沉。微有麻疹形影。大便瀉黃水。有用升發之藥。不效。延余治之。脉上盛而下虛。乃知發熱咳嗽。雖本傷風。實非因傷風。而有麻疹形影也。放指頭痧二十餘鍼。用圓紅散調黑糖微冷湯飲之。稍覺清爽。用獨活紅花湯加山查。藟子。澤蘭治之。連送二劑。大便下盡黑物而愈。

一章連漪三子發熱昏沉。腰脇間微有形影。與麻

疹相似有用升發之劑。惟恐不透。次日迎余。六脈
歇。指余曰。痧疹之病。何遽爾。歇指耶。雖昏沉。氣喘
喉無痰聲。脈不合症。斯痧脹之類。痧疹者。與放頭
頂痧。兼放左太陽及乳上痧。三鍼未愈。用荊芥湯。
加山稜蓬朮白蒺藜。微冷飲之。發一身類痧疹者。
遂安。

一薛思高發熱迷悶。氣不得舒。胸腹頭面有痧疹
形。余診之。兩關俱芤。此痧脹之類。痧疹也。放痧十
餘鍼。又刮痧。訖用沉香鬱金散清茶稍冷飲之。而

痊

一張省原子胸腹飽悶昏沉不醒痧筋不現但微有麻疹形脉左寸關沉細如無右寸亦伏余思麻疹脉不若是令其家人用燈心蘸菜油點火焯之即醒但飽悶未解用寶花散加沉香蒲黃清茶微冷飲之付奏凱和解飲減山藥人參甘草加桃仁紅花治之而痊

麻疹後復痧脹

問痧脹有愈而屢屢復發者矣若麻疹有愈而屢屢

復發者乎。曰。無有。然則謂麻疹卽痧脹。謬矣。使有犯麻疹。復痧脹。乃卽以治麻疹法治之。誤莫大焉。故曰。麻疹後復痧脹。不可不知。

治驗

一王日斯幼女。正月間。麻疹後。瀉痢白色。治之稍安。驟然腹痛。脉短而微。余曰。此穢氣新觸作痛。非麻疹之故。放指土痧。二十餘鍼。未愈。用救苦丹。清茶稍冷服之。付藿香湯。加。藟子。紅花。烏藥。木通。微令飲之。卽痊。

一陶元升麻疹後忽壯熱面赤痰喘不已兩額太陽抽痛異常脉不洪滑反濡細痧氣阻塞脉路也痰喘不已痧氣上壅也兩額太陽抽痛痧毒上攻三陽也其面赤發熱者毒盛極而攻表也均不因麻疹而然啓腿灣痧筋放六鍼毒血墨黑未愈用清涼至寶飲減細辛加黃芩乾葛紅花牛膝木通微冷飲二劑漸安但腹中飽悶按之則痛用丁沉阿魏丸微溫飲之又付必勝湯溫飲四劑下盡黑惡毒物而愈。

一爻鈞甫子二月間麻疹後。遍身疼痛。不能轉側。有以麻疹餘毒治之。反加沉重。延余脉累累如貫珠時。一促疾。蓋遍身疼痛。不能轉側者。痧脹毒攻血分也。脉累累如貫珠。疾促者。痧脹於中。筋脉縮急而然也。反加沉重者。誤飲溫熱。痧毒內攻。勢盛也。放腿灣痧四鍼。及臂指痧二十餘鍼。咸流紫黑血。未愈。用桃仁紅花湯。加牛膝山查枳殼。磨降香。微溫服。四劑而安。

麻疹夾痧脹蛔結

麻疹治法易明。若夾痧脹。不放不刮。或犯痧。痧疹亦隨痧脹。反攻臟腑。咽不能存。非吐而出。卽從大便而下。否則結於大腸。臍中作痛。治宜先施刮放。後用芒硝大黃攻其夾咽宿糞。令毒從大便而出。則痧脹乃解。麻疹輕者自消。重者自發矣。

治驗

劉香仲孫女。二月間。傷風發熱咳嗽。麻疹隱現。不發。喉啞失音。臍腹疼痛。昏悶沉沉。前醫不治。延余。左脉芤。右脉濇。時有欬指。以火照手背。指上痧。

筋放二十餘鍼。用沉香丸清茶稍冷飲之。付紫朴
湯。合荆芥銀花湯。俱微冷飲之。後連放指頭痧二
次。如前藥加黃芩石膏芒硝大黃微溫飲之。喉稍
有聲。乃去石膏加黃柏溫飲之。下灰蛔四條。大便
通而愈。

一劉姓婢犯麻疹。發熱咳嗽腹痛。脉洪大無倫。亦
夾痧脹者也。放腿灣痧五鍼。紫黑毒血成。又放
指頭痧二十餘鍼。用批仁紅花湯減蘇木。合荆芥
湯減川芎加黃芩微冷飲之。下蛔二條而愈。

一過洪甫發熱咳嗽吐瀉。麻疹現而復隱。口渴唇
焦。鼻紅瀉血。舌有黃胎。繞臍硬痛。叫喊非常。醫治
不應。其弟德甫延余治之。左脉俱伏。右脉洪緊。放
指頭臂上痧三十餘鍼。用獨活紅花湯加石膏黃
芩芒硝微冷飲二劑。瀉下宿糞。死蛔六條。麻疹乃
發。次用荆芥銀花湯加玄參黃芩黃柏微溫飲之。
三劑而愈。

一方原行次子傷風發熱咳嗽煩悶。腹中大痛。麻
疹現而復隱。喉啞失音。六脉弦緊。放乳上指臂痧。

二十餘鍼未愈。用射干咒苓湯。減甘菊花粉。加石膏。桃仁紅花大黃二劑。微冷飲之。下宿糞。以蛔三條。麻疹始透。復放腿灣痧。腹痛餘症俱瘳。

傷寒黃癰兼痧

讀傷寒書。有發黃發癰。余以為有痧焉者。蓋發黃發癰。皆即傷寒現症也。或中穢氣。或因暑氣。或感時行不正之氣。遂兼痧脹。即傷寒兼痧之說也。

治驗

孔叔元傷寒傳胃腑。口渴壯熱。頭汗。黃舌胎。

芒刺。腹脹。迷悶。舌短。聲重。氣急。發喘。余見脉左寸
關微伏。餘脉弦緊。曰痧毒阻於筋脉。脉氣不宣。故
微伏而弦緊。兼之胃腑熱極。痧毒乘之一飲熱湯
熱物。痧毒橫行。攻擊臟腑。故見此等惡症。先放頭
頂痧一鍼。次放指頭痧二十餘鍼。及乳上痧二鍼。
迷悶卽鬆。付以烏藥順氣湯。加石膏黃連大黃桃
仁二劑。微冷服之。頭汗舌胎始退。餘症漸解。復放
指上痧。付枳實大黃湯。減槐花。加紅花。芒硝二劑。
溫服。乃瘳。

一孫彥衢內室壯熱發黃。頭汗如雨。大渴唇焦。左
脉弦緊。右脉沉微。放手臂腿灣上下痧四十餘鍼。
流出紫黑毒血。未愈。付細辛大黃丸。沉香鬱金散。
微冷湯下。用桃仁紅花湯加牛膝石斛二劑。微溫
飲之。乃痊。

一梁鍾素傷寒六日。壯熱發癰。大渴昏沉。余見脉
洪大無倫。兩太陽青筋刺痧三鍼。放腿灣痧五鍼。
出毒血。未愈。用荆芥紅花湯合清涼至寶飲。加石
膏稍冷送下。四劑而愈。

一湯茂珍次女八月傷寒日晡壯熱口渴發瘧頭
痛如破聲重耳聾吐衄二條迷悶幾死兩寸脉微
無力兩關弦細兩尺左滑右緊放腿灣痧三鍼略
鬆用清涼至寶飲加黃芩牛膝石膏桃仁澤蘭烏
藥枳殼微冷飲之不應復放痧用熟大黃三錢細
茶一撮煎服而痊。

痧類陰症

痧症類傷寒不獨類傷寒傳經熱症觀諸痧變脉候
更有不似陽而似陰者幾令人反疑爲直中三陰真

寒症。痧毒入深也。稍用熱藥熱飲。便不可救療。

治驗

一章晉卿發熱沉重。口渴。兩額紅赤。唇燥。舌胎。兩
手震動。舉家驚惶。脉沉微無力。時有用乾薑肉桂
治之。有用附子治之。此則認脉爲陰。而作傷寒。三
陰真寒症治之也。服之危篤。延余四子端英診之。
知其脉症不合。看腿灣痧筋。淡紅。臍流紫黑。毒血。
付石膏黃連黃芩兼活血。服之。果稍冷飲之一
劑而鬆。再劑而安。

一楊馥音發熱。嘔吐泄瀉。手足踈舉。怕聞齒頭汗如雨。有指爲虛極。而然用大劑人參補之。反加昏悶。余按其脉沉細無力。視其面有戴陽之色。追詢所飲。見熱而拒。遇冷則喜。余思此必內有痧症。熱毒故脉症若斯。扶看腿灣痧筋二條。放之流紫黑毒血如注。用桃仁紅花湯加角刺牛膝微溫服。四劑用清涼至寶飲加黃芩溫飲二劑而痊。一何心視身不發熱。咳嗽吐瀉。踈卧沉重。手足俱冷。昏迷不醒。喉中痰聲不絕。醫者四人咸云床褥

不謹。內中陰寒。用人參黃芪附子乾薑等藥服之。
病日增。余按脉。徐疾不常。時有歇指。探其氣口熱。
如爐。看其舌。有黃黑胎芒刺。余曰。此非直中陰經。
真寒症也。其族兄爭之不已。余曰。焉有陰症而舌。
胎芒刺口熱如爐者乎。况服參芪薑附已有明徵。
若必欲以陰治。請辭。其家人固求余。先用陰陽水。
二碗飲之。遂覺稍醒。其弟二人竭力扶起。放腿灣。
痧六鍼。付以射干兜苓湯。去甘菊。加烏藥玄明粉。
枳榔。苟子二劑。稍冷飲之。後減玄明粉。加童便六。

服而痊

呃逆痧

呃逆俗名冷呃。有寒有熱。有虛有實。有因痰火而發。有因血鬱而成。有因食阻而得。有因氣阻而生。有因病重發喘爲呃。謂之喘呃。若一槩認呃爲冷。以丁香柿蒂主之。謬矣。故老弱氣虛犯呃。非參不補。若虛極陰寒犯呃。非薑桂附子不溫。卽此冷呃。治之亦異。而况痧脹爲呃。有痰火血鬱之分。有食阻氣阻之異。有病重喘呃之凶。苟非細辨受病之原。用藥稍或不妥。

非惟不效。勢必呃。死。是用明痧呃之害焉。

治驗

一徐望舒傷寒變瘧。呃逆。三日夜。兩寸脉微。餘脉緊滑。余曰。呃逆脉異。病後兼痧也。聞腿灣上下痧筋。放四鍼。紫黑血流。不愈。用細辛。大黃。羌活。清茶。稍冷服之。付清涼至寶飲。微冷下而瘳。

一王彥甫內室產後月餘。發熱呃逆。腹脹沉重。其長子謂余曰。老母產後傷寒。六日沉重異常。忽發冷呃。將若何。余診之。六脉弦細而疾。口渴畏熱。飲

痧症顯然。放臂痧三鍼。血流如注。又放指上痧三
十餘鍼。用蘇木散。併付桃仁紅花湯。加山查。荷子
二劑。俱微溫飲之。乃愈。

一孫靖公。六月心煩。呃逆。兩寸關俱細。瀉而數。且
喜冷飲。余曰。痧脈已現。痧症昭然。刮痧放痧。不愈。
用清涼至寶飲。減細辛。加香薷黃連。童便。食鹽。微
冷服。遂愈。

盤腸痧

痧毒肆行。盤轉腸胃。雖不痛不疼。苦楚萬狀。命在須

更此緊痧之症也。

治驗

一。張方曦內人。十二月間。胸腹中氣不舒暢。惟是
盤旋絞絞於胸腹腸胃中。叫喊幾欲將及半日時。
晚延余診其脉。洪大無倫。令其僕婦放指頭痧三
十餘鍼。用救苦丹。沉香。尤。清茶。稍冷飲之。未愈。付
防風勝金湯。加桃仁。紅花。治之。而瘥。
一。汪履公弟。三月飯後。驟然叫喊。腹中絞絞。迷悶
無極。六脉俱伏。放腿。六鍼。紫黑毒血出。如湧。

泉米愈用鹽湯令飲
痰飲稍冷服而愈
一盛玉鉉炎日夕晚
期在即舉家驚
大無倫放指頭
碗吐去新食付蒲
飲減薑黃加荀子
微冷服而
痊

自汗盜汗驚惶痧

自汗陽虧盜汗陰弱聞聲而驚震遇響而惶懼者虛

極之候。若因痧有是症者。固表固本。在所大忌。務宜辨之。

治驗

一陳肅遠內人。本質素虛。凡遇病。非人參不效。四月間。心胸煩悶。汗流不絕。聞聲驚恐。初病延余。脉未顯難辨。余聞素虛。雖不敢用參。付平劑。不應延他醫。付藥。加參。補之。疾益甚。復拉余按脉。不見沉微。反見浮洪。堅大。余曰。痧也。三子叔揚爲母放痧。畢。余用寶花散。

問魏九微。冷茶飲之。漸安。肅

遠悉虛實未明。停藥二日。後用節身山藥。茯苓。

冬沙參。丹皮。四藥而進。

一。潘中黃。心胸煩悶。

下已。先將腿膝痧。

筋放之。卽發暈。不愈。越六日。延余。按其脈。不與症。

合。余曰。痧毒幸放。故無大害。其發暈者。適遇痧氣。

衝心。是以得暈。非放痧之害也。復爲放指上痧三。

十餘鍼。未愈。用寶花散。微冷飲之。用蜀活紅花湯。

加。荷子。調黑糖。治之。而痊。

一。祝公庵。次子發熱。頭寒。白汗如油。痰喘如鋸。時。

癰疽 卷三
覺昏沉有以牛黃抱龍丸生薑湯治之更重延余
診之脉上盛而下虛放乳邊痧三鍼腿灣上下痧
六鍼未愈付桃仁紅花湯加牛膝石斛細茶微溫
飲之三劑而安

一石敬村女口渴盜汗腹脹如鼓有治之不應余
按脉弦細無力放指頭痧二十餘鍼用蘇木散合
寶花散砂仁湯微溫飲之付蒲黃飲加角刺荀子
溫飲四劑又用清涼至寶飲二劑而痊

痧類三瘡

瘧有一日一發有間日一發有三日一發邪氣所奏
感受各有淺深若三日一發者所感獨深但痧毒乘
之陰受其禍卽有不測焉能識之邇於全書所記外
見有痧類三瘧者故續編之以彰其害焉

治驗

一陸淑韓祖年近七旬八月患瘧間二日一發寒
熱甚重心胸煩悶將及半月診之左脉微濇余曰
不意斯疾亦有痧焉刺腿灣痧三鍼流血紫黑用
寶花散沉香丸清茶微冷飲之付防風散痧湯加

連翹柴胡橘紅膽星微冷服二劑六日乃痊。

一懷惟貞患三瘡半年忽煩悶沉重坐臥不安六
脉俱伏余曰此三瘡兼痧者也刺腿灣痧二鍼流
紫黑毒血用寶花散清茶微冷飲之遂鬆後不服
藥漸痊。

咽喉諸症兼痧

咽喉諸疾亦有兼痧之症。與若云咽喉從古無兼痧
論。試思古人治咽喉十八症。有刺少商穴法。此何異
乎。夫少商穴屬太陰肺經。在手指爪角內側刺之。出

血以洩其毒。治惟一經。尚有其效。若乃兼痧。凡經絡所傷。或上或下。隨經刺放。以拔痧毒。乃反莫救於咽。喉乎。余竊謂咽喉兼痧。痧毒內發。病必難愈。若按脉看筋。能先治痧。令痧毒一去。然後內服藥餌。外用吹敷可也。

治驗

一余長孫犯喉疳。脉虛而微。數閱腿灣痧筋。放三鍼。流紫黑毒血。吹冰硼散。用清涼至寶飲。減細辛。加射干。連翹。枳殼。牛膝。貝母。微溫飲之而愈。

一陸想湖犯喉癰危急醫治不應余診之脉弦而
緊右寸脉伏閤有痧筋刺十餘鍼紫黑毒血流如
湧泉吹冰硼散用清涼至寶飲減細辛加山豆根
連翹菊葉飲之而痊
一繆瑞吾子犯喉痺疼痛脉兩寸俱伏余曰症與
脉異殆必有痧若止治喉痺恐難卽愈不信辭之
他醫調治痛益甚復延余放指頭痧三十餘鍼口
喻冰梅治其痰涎用清涼至寶飲減細辛加射干
連翹微冷飲之卽愈

一潘象黃隣人記。咽喉腫大。看有痧筋。云此宜刺放。然後醫治。然即此一。對余談及。余雖不臨症治之。死咽喉腫大。必有同也。故并記之。

口舌兼痧

口舌有疾。適因感觸。犯痧。痧症雖發在後。治之不容或緩。即使口舌症因。痧脹較之尤急。斷不可先口舌而後痧脹也。

治驗

一翁珍碩舌下起重舌苦難盡述有以少陰君火
治之不應余按其脉左寸沉微右關無力若據脉
宜補據症宜涼取痧筋驗之放腿痧十餘鍼皆
紫黑毒血求余立方余曰向所服者俱清涼之味
宜小加川連所吹者以引涎之物宜多加冰片卽
可奏效於斯疾也但服藥不當溫飲略覺微溫足
矣三月而瘳

一聶敏躬具瘳

益甚放痧不愈求余右

脉微緩左脉沉伏

清涼至寶飲甚劇辛加五

牛膝烏藥枳殼。清皮。稍冷飲之。用冰硼散加膽礬。兒茶吹之。乃痊。

類瘋痧

瘋有真瘋。有類瘋。不辨其實。槩將花蛇等藥攻之。誤矣。余見痧脹多變。更有類乎瘋者。故正其名曰類瘋痧。

治驗

一范嗣瞻咳嗽氣急。兩顴唇口鮮紅。有以不足症藥治之。不應。余以痧療之。而痊。迨半年後。面頰上

忽變出圓片紅色高起。外科視之。認作大癰。治。余按脉微而緩。曰痧也。闊痧筋放腿灣下三鍼。紫黑色毒血成流。又放指頭痧二十餘鍼。用沉香鬱金散。清茶冷飲之。付如聖散。加紅花青皮。調黑糖湯。微冷飲之而愈。

黃氣病兼痧

腸胃內熱。積滯氣阻。成黃氣病。往往有兼痧者。非先治痧。則黃氣病終不能治也。

治驗

一。驤武弟婦犯黃氣病。而色萎黃。腹脹如臛。腿足俱腫。六脉微瀋。令僕婦爲之放痧三十餘鍼。俱紫黑色。毒血用沉香鬱金散清涼至寶飲加青皮烏藥板榔山查。荀子牛膝俱稍冷服。腹脹始鬆。後惟用黃氣病本藥微冷飲四劑而痊。

一。蒯香年犯黃氣病。熱渴唇烈。而黃腹脹。手足俱腫。食卽作瀉。及按其脉。徐疾不常。緣視腿灣上下痧筋刺十餘鍼。毒血成流。用阿魏丸砂仁湯微冷飲之。脹氣遂減。余卽以治黃氣病本藥治之。六劑

而痊。

一董臨橋腹脹如鼓。兩足微腫。飲食不食。面色乾黃。諸藥不應。求余治之。脉不洪數。反沉遲。刺指臂三十餘鍼。胸腹爽。卽用治黃氣病藥。稍冷飲四劑而愈。

翻胃噎膈症

病有翻胃兼痧。有痧變翻胃。有噎膈兼痧。有痧變噎膈。其痧似慢。目漸凶暴。宜細辨之。

治驗

一包世球年六旬餘患翻胃症食卽心痛嘔吐不止。余按其脉六部洪緊有力。乃閱痧筋放手臂腿上痧二十餘鍼。付以烏藥順氣湯及降香桃花散。俱微溫服。四日而痊。

一蔡愛山胸中飽悶。欲食不食。食卽胃脘不寧。苦楚萬狀。余診之。右三部脉微瀼。放懸痧二十餘鍼。略鬆。日服蘇木散。微溫酒下二錢。六日而愈。

筋骨疼痛痧

筋骨疼痛多延蔓終身。治此者。或風。或濕。或氣阻血。

疑或流痰流火。如此而已。然有效有不效。或爲痧暗相纏。令人莫識。此痧甚慢。不可不知也。

治驗

一董季漣筋骨疼痛。卧床二年。諸藥不應。余診之。右脉微弦。左脉沉細。閱痧筋。放之。血流紫黑。用圓紅散。微溫湯飲之。付蒲黃飲。加五靈脂。角刺。溫服六劑而痊。

一郝文存。筋骨疼痛。步履艱難。吐痰氣急。左脉微。右脉弦緊。放腿灣痧。紫黑血三鉞。用必勝湯加。

角刺微溫飲之漸愈

鬼箭痧

世俗傳鬼箭之說。有鍼挑火燂油髮艾挑諸法。不敢服藥。疑真有鬼禍非也。識者辨之。謂鬼箭是風神箭。是寒床箭。是濕痛而轉動者。氣與痰也。痛而難轉動者。血也。各有方治。然中亦有雜痧者。先治痧毒。後除餘症。治箭亦須知也。

治驗

一曹叔恒徧身走注疼痛。不能展動。或曰。此鬼箭

也。以油髮艾葉揩之。以燈心蘸菜油點火燂之。不
應。適見余自述其病。診之。脉左虛右實。放痧三鍼。
紫黑血流。用桃仁紅花湯。加穿山甲天虫香附微
溫服。漸痊。

一鍾洪武內室腰背疼痛。臥床不起。有以爲鬼箭
之病。從痛處挑筋十餘鍼。不愈。延余。脉徐疾不常。
曰。痧也。令其婢刮而且放。刺腿灣痧二十餘鍼。流
紫黑毒血。用紅花湯。加穿山甲澤蘭劉寄奴四劑。
微溫服。乃痊。

久瀉肉瘦痧

瀉久則肉瘦。或健脾。或燥濕。或消積。或參水。或補命門火。或平肝木氣。治瀉之藥。不過如是。若慢痧之變。久瀉肉瘦。病原不同。但宜治痧。則瀉自止矣。

治驗

一姚公。動潘。久瀉不已。不思米食。日漸尪瘦。大肉漸脫。脈反有力。放痧二十餘鍼。紫黑毒血成流。付寶花散。阿魏丸。俱稍冷飲之。即愈。

一莫電雲。久瀉不已。骨瘦如柴。唇紅口渴。粥食不

進胸中飽悶脉反微伏。放腿灣痧四鍼。毒血紫黑。流出如花。用沉香九。清茶稍冷飲之。付稜木湯加銀花。澤蘭治之而愈。

一巢茂公次子久瀉。肉削咳嗽不已。夜臥盜汗。目白微紅。余診之。脉寸伏關弦。放腿灣上下痧三鍼。復刮痧畢。付清涼至寶飲。加山查。藟子。銀花。微冷飲之而痊。

婦人隱疾痧

婦人幽隱疾多有兼痧。最難識。惟在診脉之人指

下明白乃無差誤爾

治驗

一婦人患血淋三月矣。頭而腿足俱腫。六脉洪實。緊盛。余意血淋熱症也。洪實緊盛熱脉也。何乃頭面腿足驟然俱腫。殆其痧乎。令其家人放腿灣痧。二十餘鍼。多用清涼解毒之劑。治之而痊。一婦人患血崩。其家人曰。痧也。引他婦閱之。果有痧筋。放之。用養血和中之劑。治之而愈。

脚氣痧

脚氣有因乎痧者。此慢痧纏綿。腿足或半年一年或五年十年。其疾僅在腿足。上身氣血流通。脉往往不現。但兩尺脉微數有力而已。凡遇雜病。切忌升提。以防痧。若不知治。痧毒肆行。腿足紅腫。痧筋一散。無從可放。所以四肢痧難治。

治驗

一老年人苦足底燥烈。以爲氣血衰微所致。不用藥治之。因有痧筋。初放四錢。毒氣散行。腿足遂腫。次日放痧四十餘錢。其腫漸平。三日又放痧四十

餘鍼足底漸滋潤惟是日常攸痧不服藥而愈
一王姓者患腳氣腿足俱腫看有痧筋懼痛不治
緣世人犯此者多故記之

耳痛痧

耳孔甚微腫痛最苦若兼痧其勢必盛治惟以痧爲
先耳痛亦有驗焉

治驗

一鄭惟和左耳出膿腫痛連左太陽及肩脇俱痛
右脉沉微左關細澹看痧筋刺左腿灣十餘鍼其

痛遂減。內用如聖散。稍冷飲之。外用羊糞一粒。綿
裹塞耳。卽愈。

一翁左溪。右耳腫痛。日夜不寧。脉微而緊。放腿灣
痧。十二鍼。血流紫黑。用清涼至寶飲。減細辛。加牛
膝。不解。稍冷飲之。而痊。

手臂痛痧

手臂有痧。攻及臟腑者。爲緊痧。不攻臟腑者。爲慢痧。
慢痧之症。惟刺手臂緊痧之症。兼服痧劑。

治驗

一余右臂筋中作痛。閱有痧筋。刺三鍼。出毒血。臂痛遂愈。

一高松筠左臂疼痛。醫治不應。閱臂上痧筋。刺四鍼。出毒血。不藥而愈。

腫毒夾痧辨

腫毒陽者爲癰。陰者爲疽。往往有夾痧而發。設使不先理痧。單去毒亦不效也。

治驗

一王姓者腰腎間。白腫如盤。臥不轉側。痛苦萬狀。

將及二月。余按脉。弦緊而或伏。曰。夾痧之毒也。先放其痧。後理其毒。迨半月。出微膿而愈。

一人大腿紅腫如爪。先放痧而治之愈。

一人左腎囊紅腫。獨大。先放痧而治之愈。

一人小腹痛極。生毒。平腫白色。先放痧而治之愈。

一人右臂生黑疔。先放痧而治之愈。

一人生右腎疽。大如小盤。墨黑。其孔數十。不知痛癢。發熱不食。闔左腿有痧筋。放之。卽身涼。進食。四日而瘳。

一人生懸癰兼患雙橫痃引一善放痧者於尻尾骨上放六鍼腿灣放七鍼漸愈
一人生驚掌瘋放痧而愈
一人大麻瘋手足拳曲其形真可憐也閩有痧筋故記之

刺蝥瘟痧

時有壯熱煩悶遍身痛如刺蝥所傷鄉俗相傳名爲刺蝥瘟焉以痧治之可愈也

治驗

一林悅溪犯時疫瘟疾。壯熱口渴。胸腹迷悶。以手
撫摩之。卽如刺蝥傷痛。遍體皆然。放腿灣痧二十
餘鍼。毒血成流。用穿山甲天虫角刺。加活血順氣
之藥。稍冷飲之而痊。

地葡瘟痧

時有此疾。村俗相傳。名爲地葡瘟者。閱之亦有痧也。
治在前。遍身腫脹。痧條內。故不更載。治驗。但恐時人
或誤。故復記之。

痧變發願

痧者因疾也。痧而發願盡氣結治尤凶之甚也。宜急治之。遲則難救。

治驗

一汪雲文壯熱目赤口渴煩悶譫語神昏左脉沉微右脉欲絕。痧也。先服陰陽水一碗神昏少清。譫語稍定。然後扶起放痧。訖外用赤荳水搗敷圍內吹米礪散付以穿山甲天虫角刺射干山豆根土貝母連翹烏藥枳殼川連牛膝微冷飲之。願遂出膿些須四日而愈。

急救逆痘要法

痘有順有險有逆。險者猶可回生。逆者斷難療治。此不易之論也。然余觀嬰兒出痘。闢犯兼痧。其痘未有不逆。故兼痧之痘。或難放標。或標而不分顆。不起發。或當起發分顆。而反隱。或發紅疹。或變焦黑。或見飛粟。或生血泡。或肉腫痘不。腫。或下身先發。而臉額不起頂。不行漿。或瑣屑細密。或薄晦暗。或一片如胭脂色。種種逆症。往往因痧毒。氣血壅阻。以致殞命。愚嘗先放其痧。隨宜用藥。則清血一行。壅滯俱散。逆者可

轉而爲順。難標者卽標。難起者卽起。當藥者卽藥。無奈世人以痘不可放。痧快事不小。不知逆痘難療。更無生路。惟茲一法可救。但恐痧助痘毒。內攻甚速。遲難挽回。若逆痘始現有痧。卽放治之。甚易。凡遇逆痘。急宜鑒諸。

治驗

一金權可女。四歲十一月間痘五朝。放標至足。面痘猶細如芥子。隱隱不發。其腰下痘反有水珠色。真逆痘也。聞左腿灣有痧筋。放一鍼。手指上痧放。

十五鍼俱紫黑。毒血面痘立時紅活起發。余看痧氣已絕。惟用十神解毒湯。減大腹皮。加天虫。大力子山查青皮一劑。次日面有行漿之勢。惟用養血托漿清涼解毒之藥五劑。痘卽如期貫膿收靨而愈。

一金權可子三歲十二月間痘六朝。左腰痘密。有蟻窠形色如水珠。其面臉痘紫赤滿頭不發。版酒漿桑虫一條。反變兩顴一片如臘脂色。不分顆粒。左額見飛漿一粒。亦逆痘也。余爲放指上痧二十

餘鍼痘卽分顆紅活。余惟用痧痘。可兼治之藥。一劑治之。次日痘卽行。藥後惟用治痘常藥。遂貫膿收靨而痊。

一汪扶搖子八歲。六月間痘五朝。面上肉腫。痘不腫。他醫謝事。延余閱腿灣有痧筋。放四鍼。紫黑毒血成流。用寶花散兼圓紅散。微溫湯服。次日痘卽起脹。後惟用大補氣血藥。助貫膿收靨而愈。

一褚雋甫女十二歲。八月間痘四朝。徧身紫癰。他醫莫治。延余閱指臂上痧筋。放二十餘鍼。用大黃

丸稍冷湯飲之。癰退痘起。後惟用清涼解毒之藥。即如期貫漿收靨乃瘳。

一詹福先子六歲九月間。痘四朝大渴。舌心有黃黑胎。腰腹大痛。面部痘色焦紫。過頂不發。延余閱有痧筋。放腿灣指頭痧二十餘鍼。痛不止。用細辛大黃丸。清茶微冷飲之。痛稍減。付必勝湯加川連石膏一劑。微溫飲之。痛止。胎退。痘漸起。脹猶大。便不通。去川連。石膏。日服此湯。貫膿收靨。便通而愈。

癰症兼痧

癰。癰。疾也。患此者。雖不卽斃。然往。止。勿。獲。長。壽。治。惟。疏。風。消。痰。清。熱。或。溫。下。元。而。已。不。知。亦。有。痧。焉。者。宜。辨。之。

治驗

一。朱。建。溪。婢。犯。羊。癰。風。三。年。矣。余。診。之。六。脉。緊。伏。不。勻。悶。痧。筋。放。之。付。以。沉。香。滾。痰。丸。微。溫。湯。飲。之。遂。愈。永。不。再。發。

一。盛。昭。先。次。子。患。猪。癰。風。六。年。脉。浮。緊。而。數。悶。痧。筋。放。之。脉。遂。平。付。以。沉。香。滾。痰。丸。微。溫。湯。飲。之。亦。

不再發。

麻木酸痒痧

麻木酸痒。古人論治宜遵。余不更述。但痧症變幻時。亦有之。

治驗

一翁尚景。遍身麻木。腿膝酸痒。異常脉微而細。放腿足痧四十餘鍼。指頭痧六鍼。未愈。付圓紅散。微溫湯服之。用當歸。金銀花。連翹。秦艽。穿山甲。木薑。蘇角刺。紅花二劑。如前服而痊。

頭虛足腫痧

世俗相傳有云男怕頭虛女怕腳腫謂醫治之難療也。獨是頭虛之症世豈無有消風熱而得愈者乎。不知腫因風熱乃可治效。若不因風熱而因痧者奚可更用發散升提之味耶。惟是頭面虛腫實因痧毒上攻三陽先宜放刮後用清涼引下之劑治之應無不愈。無令更變出凶險別病也。至若腳腫之疾婦人犯此不數年而小腿腫加之大腿亦腫漸漸入腹。睡卽腿足不腫內發脹悶。若當起坐行動胸腹乃鬆足腿

復腫。如是日復一日。更不數年。勢必小便不利。大便亦阻。卽成眞臛。愚按此因濕毒之氣。蒸淫於足。傷其血分。變爲慢痧。不由鼻吸而入。故喫熱湯熱物。俱無驟害。脈亦有現有不現。極闊痧筋。或在腿。或在足面。或在足兩旁。必多刺數次。出毒血爲要。如不愈。當內服藥餌。平其氣血爲主。大忌升發燥熱之品。恐毒氣上騰也。若此之痧。有患五六年而斃。有患十餘年而斃。有患二十餘年而斃。世鮮識者。受苦甚多。不可不觀。余故特爲之著焉。

治驗

一艾茂甫。驟患頭面紅腫。心胸煩悶。口渴唇焦。六脈俱伏。放嶺頂痧。及手指腿灣痧。二十餘鍼。不愈。用清涼至寶飲。減細辛。加石膏。知母。茜草。稍冷飲之。三服而痊。

一方士彥。患頭面漸腫。眉髮盡落。已二年矣。脈洪數而緊盛。放肘臂痧。及兩太陽痧。二十餘鍼。腿灣痧。四鍼。服清涼至寶飲。減薄荷。細辛。加穿山甲。天蟲。烏藥。續斷。桑寄生。紅花。歸身。微溫飲之。十服而

痿。

一秦馥生內室。素患脚腫及腿。漸升於腹。夜苦心
中飽悶。飲食不寧。日間行動。足腿復腫十餘年矣。
診脉細數。令其家人爲之數放足面及兩旁痧。用
川棟子。金銀花。木通。澤瀉。檳榔。澤蘭。青皮。枳殼。烏
藥。連翹。溫飲八服。遂愈。

一張書瞻病後足腫無力。少進飲食。兩尺脉伏。閱
足面痧及足旁痧。腿灣痧放之。用川棟子。檳榔。金
銀花。連翹。白茯苓。澤瀉。歸身。續斷。紅花。白蒺藜。烏

藥而痊

黃疸痧

黃疸之症。亦痢疾也。不用鮮草頭方之迅利。則不效。然亦有效有不效者。詎黃疸有必不可治者耶。蓋黃疸因內有實熱而發。若痧毒所變。亦有然者。務宜先施刮放。後取黃疸方。選擇而用。自可得痊。

治驗

一夏月溪目睛爪甲小便皆黃。四肢上下遍體黃腫。服他醫諸方不愈。余診之。脉微數而緊。若遽脉

宜補遽症宜清。不可中治。乃閱痧筋放之。漸鬆。用
麥門冬四兩。猪板油四兩煎服而痊。
一婦人黃疸放痧後用草頭方搗汁酒冲服二次
而痊。

小兒夜啼痧

小兒暮夜啼哭不止。父母愛之。嘗百計撫摩。憂疑無
極。曾不得立時安靜。爲憾。不知胸腹疼痛。故爾啼哭。
若曰小兒無痧。吾不信也。

治驗

一朱廣函女二歲

至夜半忽然啼哭叫跳不住

意其胸腹作痛將

刷子蘸香油刮之痧起不藥而

愈

一汪洪臯子二歲

深啼哭迨至清晨不歇延余

四子端英往視其

腿灣有痧筋放一鍼流紫黑

毒血用防風勝金

湯多加麥芽稍冷飲之而安

驚風痰熱痧

小兒犯此惟用疏風

豁痰定驚之品其常也然竟有

疏風而熱不除豁痰

而痰不消定驚而驚益甚者得

母審其病原有未當乎。余嘗見此審其症候稍雜。閱
有痧焉。卽以痧症治之。甚效。

治驗

一岳瑞昇幼子。發熱面赤。痰喘不已。兩目上視。困
重沉沉。他醫莫治。延余。脉緊而數。先用圓紅散。稍
冷湯飲之。令其家人刮痧。痧起未愈。用和脾宣化
飲。研細辛。大黃。先微冷飲之。遂安。

一高子瞻女。一歲。痰嗽身熱。手足抽搐。昏迷不醒。
端英子。氣逆。皮膚不現。六脉俱伏。問腿灣痧。放

一鐵紫... 出用救苦丹清茶稍冷飲之未
愈又用三香散微冷湯下而痊。

死症痧

詢治痧之法。凡人犯死症。亦有可救者乎。曰。有余且
無論百病死症。多有可救之實。惟據傷寒集中。有云。
赤痧五死一生。黑痧十死一生。陽症見陰脉者死。陰
陽毒過六七日不治。兩感傷寒者死。汗後不爲汗衰。
謂之陰陽交者死。不得汗者死。發熱脉疾躁狂言不
能食。謂之三死。咳逆不止者死。臟結者死。厥陰舌卷。

囊縮者死。脉代者死。少陰吐利。煩燥四逆者死。結胸
症悉具。煩躁者死。發熱至七八日。膚冷而躁。無時暫
安。曰臟厥不治。少陽與陽明合。汗不和。脉長大而弦。
名曰負。負者死。陰陽易病。頭重眼花。四肢拘急。小腹
絞痛。手足攣痛者死。脉陰陽俱虛。熱不止者死。傷寒
七八日已上。大發熱者難治。溲便遺失者死。循衣摸
床。邪熱內結。脉弦滿者死。喘而不休者死。柔汗發黃
者死。唇吻反青者死。環口黧黑者死。鼻如煙煤者死。
直視搖頭者死。此等之症。往往兼痧。已前治驗。歷歷

有據。然余所救者甚多。難以悉數。但人犯死症。如落深淵。利在見之。蚤救之急爾。

羊毛瘟痧

此痧言遠先生道之甚悉。所以垂救世人多矣。余實未見。不敢妄論。近又聞丹箴袁兄所述。自北方來。親見此症。胸前生羊毛數莖。北人又有用銅錢置病所。以艾火燒錢上。外將瓦罐。或竹罐。盒之。卽時收出汗。水而愈。北人名爲打火罐。併能治痧痛是也。抑又聞北方人用手推背上二筋。撮起。掐緊。一時許。亦能治。

痧痛。此二法。余雖未經驗。若爲之。想亦有益無損。故併誌之。以爲窮荒僻野。無醫療治者。一生路焉。

痧脹破迷論

痧中禁忌。余慮不知。痧。誤犯之。尤慮知痧。罔識所忌。譬若昏夜迷塗。高低莫辨。縱步於岩谷間。鮮不顛仆者矣。蓋痧受病。與雜症不同。見端與雜症相類。病家不信。以雜症治之。勿顧痧中禁忌。勢必日甚。一日病入膏肓。卽有進言。刮放一試。焉無及矣。則受迷於痧。脹之始者。此其一。亦有始卽知痧。稍用刮放。便謂業

既治痧。常用別藥。幸而不犯痧禁。或可收功。若痧氣未絕。一犯所忌。愈服愈危。身命難保。乃曰非因痧脹之故。則受迷於痧脹之終。有此其一。又有患痧不識。用別藥不效。因而僅用刮。放不佐以治痧之劑。或僅投一二劑。復投別症之藥。致痧患復發。茫然不覺。乃曰治痧無效。不足信也。不知治痧用藥。稍或不合。勢必痧毒內攻。而斃。則始終受迷於痧脹之害者。又其一。更不特如是已也。或痧症有時寒熱無汗。服升提溫散。歛固表之味。或痧症有時寒熱無汗。服升提溫散。

之方。或痧症有時足冷過膝。誤服附子。吳茱萸。薑桂之品。或痧症有時上唾下瀉。誤服香燥滯滯之類。或痧症有時惡寒畏冷。誤服薑椒辛辣之物。更有痧症變爲脉虛。誤用溫補之藥。痧症變爲脉旺。誤用冰寒之藥。或痧症變爲怪脉。雖不皆生。然誤認必死。棄而不救。而且痧症嘗似氣虛。誤用參芪苓朮以補氣。嘗似血虛。誤用熟地何首烏以補血。而且痧多死症。凶險非常。不復細審病源。以爲別症。將斃而且痧症畧鬆食物太蚤。因而痧物相聚。結於心胸。難以解散。而且

痧症未絕。痧毒尙存。驟飲熱湯熱酒。遂致痧症復發。內危莫遏。每有變在頃刻。悔之無及。此等受逮。皆余所目擊。而心傷者也。若乃有見痧諱言痧。犯痧惡言痧。雖死於痧。勿知爲痧之害者。其天之所限乎。余固不得而強之。卽有擯刮痧放痧治痧之方法者。余亦不得而強之也。嘗觀醫林多士。業擅岐黃。深通古籍者。動輒援引內經。諄諄不已。竟不知黃帝始製九鍼之法。以療民病。多刺少藥。卽如內經有云。諸瘡而脉不見。刺十指間出血。血去必已。先觀身之赤如小豆。

者盡取之。又云先其發時。如食頃而刺之。一刺則衰。
二刺則知。三刺則已。不已刺舌下兩脉出血。不已刺
郄。即中盛經出血。又刺項已下俠脊者。必已。如先頭
痛及重者。先刺頭上。及兩額兩眉間出血。先項背痛
者。先刺之。先腰脊痛者。先刺郄中出血。先手臂痛者。
先刺手少陰陽明十指間。先足脛痠痛者。先刺足陽
明十指間出血。又如腰痛引項脊尻背如重狀。刺其
郄中。太陽正經出血。刺解脉在膝筋肉分間。郄外廉
之橫脉出血。血變而止。解脉令人腰痛如引帶如折。

腰狀。善恐刺解脉在郛中結絡如黍米刺之血射以
黑見赤血而已。經載煌煌垂訓萬古。正後人之所當
祖習者也。故痧多變。余不能盡述。凡在爾所不信者。
試於清夜思之。苟遇斯疾。偶爾心迷。當刺不刺。當藥
不藥。或誤人。或誤己。彼此不異。諒有同心。慎之慎之。

痧脹玉衡全書後卷終